

სახელმწიფო შესყიდვის შესახებ ხელშეკრულება №174
(გამარტივებული შესყიდვა)

ქ. მცხეთა

06 დეკემბერი 2017 წ.

ერთის მხრივ, სსიპ საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“), წარმოდგენილი მისი საფინანსო დეპარტამენტის უფროსის ვლადიმერ სიხარულიძის სახით (მოქმედი სსიპ „საქპატენტის“ თავმჯდომარის 2013 წლის 03 იანვრის №04 ბრძანებით მინიჭებული უფლებამოსილების საფუძველზე), და მეორეს მხრივ, შპს „ორიენტ ლოჯიკი“ (შემდგომში „მიმწოდებელი“) წარმოდგენილი მისი კომერციული დირექტორის ალან სანაკოვეცის სახით, „სახელმწიფო შესყიდვების შესახებ“ საქართველოს კანონის შესაბამისად, გამარტივებული შესყიდვის საშუალებით დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „დღე“, „კვირა“, „თვე“ – კალენდარული დღე, კვირა, თვე.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს საქონლის მიწოდებას წინამდებარე ხელშეკრულების ფარგლებში.
- 1.5. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

სსიპ „საქპატენტის“ 2017 წლის საკუთარი სახსრების ფარგლებში, შემდეგი საქონლის შესყიდვა, კერძოდ:

- აკუმულატორი 12Vx5AH (CPV-31430000). რაოდენობა: 8 ცალი, ერთეულის ფასია: 62,50 ლარი, სულ: 500 ლარი. გარანტია ვრცელდება 1 (ერთი) წლის ვადით მიღება-ჩაბარების აქტის გაფორმების თარიღიდან.

3. მხარეთა უფლება-მოვალეობანი

- 3.1. შემსყიდველი უფლებამოსილია:
 - 3.1.1. მოსთხოვოს მიმწოდებელს საქონლის მიწოდება ხელშეკრულებით გათვალისწინებული პირობებითა და ვადებში;
 - 3.1.2. განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი (ინსპექტირება).
- 3.2. შემსყიდველი ვალდებულია:
 - 3.2.1. უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.
- 3.3. მიმწოდებელი უფლებამოსილია:
 - 3.3.1. მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 3.4. მიმწოდებელი ვალდებულია:
 - 3.4.1. გადასცეს შემსყიდველს ნივთობრივად და უფლებრივად უნაკლო საქონელი და მასთან დაკავშირებული დოკუმენტაცია, წინამდებარე ხელშეკრულებით გათვალისწინებულ ვადებში.

4. საქონლის მიწოდებისა და მიღება-ჩაბარების პირობები

- 4.1. საქონლის მიწოდება განხორციელდება 2017 წლის 14 დეკემბრამდე, შემსყიდველის მისამართზე: ქ. მცხეთა, ანტიოქიის ქ. №5.
- 4.2. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 4.3. შემსყიდველი უფლებამოსილია უარი განაცხადოს უხარისხო საქონლის მიღებაზე.

4.4. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს: ნიკოლოზ ყიასაშვილი (საინფორმაციო ტექნოლოგიების განყოფილების უფროსი).

5. ხელშეკრულების საერთო ღირებულება

- 5.1. ხელშეკრულების საერთო ღირებულება დღგ-ის ჩათვლით შეადგენს: 500 (ხუთასი) ლარს.
- 5.2. ხელშეკრულების საერთო ღირებულება მოიცავს ხელშეკრულებით გათვალისწინებული საქონლის შესყიდვასთან და მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს, ასევე ფასი მოიცავს ინჟინრის ვიზიტსა და აკუმულატორების ცვლილებას.

6. ანგარიშსწორების ფორმა და ვადები

- 6.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 6.2. ანგარიშსწორების განსახორციელებლად მიმწოდებელმა უნდა წარმოადგინოს შემდეგი დოკუმენტები:
 - 6.2.1. მხარეთა მიერ ხელმოწერილი მიღება-ჩაბარების აქტი;
 - 6.2.2. სასაქონლო ზედნადები;
 - 6.2.3. საგადასახადო ანგარიშ-ფაქტურა.
- 6.3. ანგარიშსწორება განხორციელდება ფაქტობრივად მიწოდებული საქონლის შესაბამისად, 6.2. პუნქტით გათვალისწინებული დოკუმენტაციის წარდგენიდან არაუგვიანეს 10 (ათი) დღისა, მიმწოდებლის მიერ წინამდებარე ხელშეკრულებაში მითითებული რეკვიზიტების მიხედვით.

7. პირგასამტეხლო ხელშეკრულების პირობების შეუსრულებლობისათვის

- 7.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით.
- 7.2. პირობების გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით.
- 7.3. მხარეთა მიერ ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში მხარე უფლებამოსილია დააკისროს დამრღვევ მხარეს ჯარიმა ხელშეკრულების ღირებულების 10%-ის ოდენობით.
- 7.4. არაჯეროვნად შესრულებას წარმოადგენს უხარისხო საქონლის მიწოდება/მომსახურების გაწევა. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით გარდა 7.5. პუნქტით განსაზღვრული შემთხვევებისა.
- 7.5. მიმწოდებლის მიერ დაგვიანებით მიწოდებას წარმოადგენს წინამდებარე ხელშეკრულებით გათვალისწინებული მიწოდების ვადის დარღვევა, რისთვისაც შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,02%-ის ოდენობით.
- 7.6. შემსყიდველს უფლება აქვს მოახდინოს პირგასამტეხლოს გამოქვითვა მიმწოდებლისათვის გადასახდელი თანხიდან.
- 7.7. იმ შემთხვევაში თუ ამ ხელშეკრულების მე-7.5. პუნქტით განსაზღვრული პირგასამტეხლოს ჯამური ოდენობა გადააჭარბებს ხელშეკრულების საერთო ღირებულების 1%-ს შემსყიდველი უფლებამოსილია ცალმხრივად შეწყვიტოს ხელშეკრულება.
- 7.8. მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება.
- 7.9. ხელშეკრულების პირობების დარღვევისათვის გათვალისწინებული პასუხისმგებლობა არ ათავისუფლებს მხარეებს ძირითადი ვალდებულებების შესრულებისაგან.

8. მხარეთა პასუხისმგებლობისაგან გათავისუფლება

- 8.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი.

- 8.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედებები, ეპიდემია, კარანტინი, საბიუჯეტო ასიგნებების მკვეთრი შემცირება, სახელმწიფო გადატრიალება და სხვა).
- 8.3. მხარემ, რომელსაც შეექმნა ფორს-მაჟორული გარემოება ვალდებულია გონივრულ ვადაში წერილობით შეატყობინოს მეორე მხარეს აღნიშნული გარემოების და მისი აღმოფხვრის სავარაუდო ვადის შესახებ.
- 8.4. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.
- 8.5. მხარეები ანახლებენ ხელშეკრულებით ნაკისრი ვალდებულებების შესრულებას ფორს-მაჟორული გარემოებების აღმოფხვრისთანავე.

9. ხელშეკრულებით ნაკისრი ვალდებულებების შესრულების კონტროლი

- 9.1. შემსყიდველი უფლებამოსილია ხელშეკრულების შესრულების განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 9.2. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

10. ხელშეკრულებაში ცვლილებების შეტანა

- 10.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.2. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 10.3. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

11. ხელშეკრულების მოქმედების ვადა და შეწყვეტის პირობები

- 11.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2018 წლის 30 იანვრამდე, ხოლო გარანტია მოქმედებს მიღება-ჩაბარების აქტის გაფორმებიდან 1 (ერთი) წლის ვადით.
- 11.2. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.
- 11.3. ნებისმიერ მხარეს შეუძლია ცალმხრივად შეწყვიტოს წინამდებარე ხელშეკრულება მეორე მხარის მიერ წერილობითი შეტყობინების მიღებიდან 5 (ხუთი) დღის ვადაში, იმ შემთხვევაში, თუ:
 - 11.3.1. ხელშეკრულების ერთ-ერთი მხარე სისტემატურად არღვევს ხელშეკრულების პირობებს;
 - 11.3.2. წინამდებარე ხელშეკრულების მე-10 მუხლით გათვალისწინებული შემთხვევების დადგომისას არსებითად იცვლება ხელშეკრულების პირობები;
 - 11.3.3. დაუძლეველი ძალის (ფორს-მაჟორი) მოქმედება გრძელდება 1 თვეზე მეტ ხანს;
 - 11.3.4. წინამდებარე ხელშეკრულების 7.7. და 7.8. პუნქტებით გათვალისწინებულ შემთხვევას ექნება ადგილი.
- 11.4. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. დასკვნითი დებულებები

- 13.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 3 (სამი) ეგზემპლარად (ერთი ეგზემპლარი მიმწოდებელს, ხოლო ორი შემსყიდველს).
- 13.2. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს წინამდებარე ხელშეკრულებით ნაკისრი ვალდებულებები მესამე პირს.
- 13.3. წინამდებარე ხელშეკრულების ნებისმიერი მუხლის, პუნქტის ან/და დებულების ბათილობა ან/და ძალდაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე.
- 13.4. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით.
- 13.5. ურთიერთობანი, რომელიც არ არის რეგულირებადი წინამდებარე ხელშეკრულებით, რეგულირდება მოქმედი კანონმდებლობის შესაბამისად.

14. მხარეთა რეკვიზიტები და ხელმოწერები

შემსყიდველი

სსიპ საქართველოს ინტელექტუალური საკუთრების ეროვნული ცენტრი „საქპატენტი“
მისამართი: ქ. მცხეთა, ანტიოქიის ქ. №5
საიდენტიფიკაციო კოდი: 203831363
საბანკო რეკვიზიტები:
მიმღების ბანკი: სახელმწიფო ხაზინა
მიმღების დასახელება: ხაზინის ერთიანი ანგარიში
ბანკის კოდი: TRESGE22
სახაზინო კოდი/ანგარიშის ნომერი: 707807132

საფინანსო დეპარტამენტის უფროსი
ვლადიმერ სიხარულიძე



მიმწოდებელი

შპს „ორიენტ ლოჯიკი“
მის: ქ. თბილისი, ბელიაშვილის ქ. №8
საიდენტიფიკაციო კოდი: 202052054
საბანკო რეკვიზიტები:
სს „ბაზის ბანკი“
ბანკის კოდი: CBASGE22
ანგ. № GE96BS0000000005936872

კომერციული დირექტორი
ალან სანაგულიძე



მიღება-ჩაბარების აქტი №174

ქ. მცხეთა

07 დეკემბერი 2017 წ.

ჩვენ, ქვემოთ ხელის მომწერნი, ერთის მხრივ სსიპ „საქპატენტი“ (შემდგომში „შემსყიდველი“) წარმოდგენილი საინფორმაციო ტექნოლოგიების განყოფილების უფროსის ნიკოლოზ ყიასაშვილის სახით, და მეორეს მხრივ, შპს „ორიენტ ლოჯიკი“ (შემდგომში „მიმწოდებელი“) წარმოდგენილი მისი კომერციული დირექტორის ალან სანაკოვეცის სახით, ვადგენთ წინამდებარე მიღება-ჩაბარების აქტს მასზედ, რომ 2017 წლის 06 დეკემბრის №174 სახელმწიფო შესყიდვის შესახებ ხელშეკრულების შესაბამისად, მიმწოდებელმა დადგენილ ვადებში უზრუნველყო შემსყიდველისთვის შესასყიდი საქონლის მიწოდება მისამართზე: ქ. მცხეთა, ანტიოქიის ქ. №5. მიწოდებული საქონელია:

- აკუმულატორი 12Vx5AH (CPV-31430000). რაოდენობა: 8 ცალი, ერთეულის ფასია: 62,50 ლარი, სულ: 500 ლარი. გარანტია ვრცელდება 1 (ერთი) წლის ვადით მიღება-ჩაბარების აქტის გაფორმების თარიღიდან.


სულ შესყიდული საქონლის საერთო ღირებულებაა: 500 (ხუთასი) ლარი დღგ-ის ჩათვლით.

აქტი სწორია, რასაც ვადასტურებთ ხელმოწერებით.

„შემსყიდველი“
„საქპატენტი“
საინფორმაციო ტექნოლოგიების
განყოფილების უფროსი


ნ. ყიასაშვილი

„მიმწოდებელი“
შპს „ორიენტ ლოჯიკი“
კომერციული დირექტორი


ა. სანაკოვეცი

